



Lès 6 pa
Ougùstùs 8, 2026

DONNAN SPIRITUAL


“ Sigui tras di amor, i desea
sinsramente e donnan
spiritual, spesialmente ku
boso lo por profetisá ”
(1 Korintionan 14:1, Esv)



Ta kla ku e iglesia na Korinto tabata divide riba varios asuntunan. Nan a diferensia tokante di e predikadornan; tokante di kon pa kome; tokante di si ta kasa òf ta keda soltero; i tokante di kua di e donnan spiritual mester wòrdu onrá mas tantu.

Una bes el a kontestá e problemanan inisial, Pablo ta mustra kon donnan spiritual ta bai for di ta un problema na ser un medio pa unidat (1 Kor. 12-14).

Kual don ta esun mihó? Ningun! Pakiko?



Donnan spiritual:



Hopi donnan, un Dunadó.



Hopi miembronan, un kurpa.



E elemento ku ta uni:



E ekselensia di amor.



Donnan speshal:



E don di lenganan.



E don di profesia.

DONNAN SPIRITUAL



HOPI DONNAN, UN DUNADÓ

“ Pero tin diferensianan(variedatnan) di donnan, pero e mesun Spiritu ” (1 Korintionan 12:4)

Ken ta duna donnan spiritual? (1 Kor. 12:4-6)



1 Kor. 12:4	Tin diferensianan di	Donnan	Pero e mesun	Spiritu
1 Kor.12:5		Ministerio-nan		Señor
1 Kor.12:6		Obramentu		Dios
		Donnan spiritual		E Dunadó

Pa yuda nos komprendé e relashon entre donnan spiritual i nan Dunadó, Pablo ta huza tres terminonan pa identifiká nan, hasiendo notabel nan diversidat: donnan; ministerionan; i operashonnan.

Sinembargo, e Dunadó ta Uno: e Spiritu [Santu]; Señor [Hesus]; i Dios [e Tata]. Esei ta pa bisa: e Deidat trahando den un solo stèm(Juan 14:16).



Pero Dios no ta regalá donnan manera e “diosnan” Greco-Romano” a hasi (1 Kor. 12:2). No tin ningun ékstasis, ni un selekshon di hirarkia di e resipientenan di e donnan (manera, por ehèmpel, saserdótisanan).

HOPI DONNAN, UN DUNADÓ

“ Pero tin variedat di donnan, pero e mesun Spiritu ” (1 Korintionan 12:4)

Pakiko Dios ta duna diferente donnan a diferente pueblo? (1 Kor. 12:7)

Donnan spiritual ta wòrdu huzá “ pa e benefisio ” di e iglesia. Solamente Dios sa kua pueblo por huza un don partikular pa logra e propósito ei.



Ki donnan Pablo ta duna komo ehèmpelnan, entre e hopi otronan ku ta eksistí? (1 Kor. 12:8-10; Rom. 12:6-8; Efe. 4:11-12)

1 Korintionan 12:8-10

- ✓ Palabra di sabiduria
- ✓ Palabra di konosementu
- ✓ Fe
- ✓ Salú
- ✓ Pa ehekutá milagernan
- ✓ Profesia
- ✓ Bon huisio di spiritunan
- ✓ Lenganan
- ✓ Interpretashon di lenganan

Romanonan 12:6-8

- ★ Servisio
- ★ Siñansa
- ★ Eksòrtashon
- ★ Generosidat
- ★ Liderasko
- ★ Miserikòrdia

Efesionan 4:11-12

- ♥ Apostolado
- ♥ Evangelismo
- ♥ Grado di Pastorado i di Siñadó

HOPI MIEMBRONAN, UN KURPA

“ Meskos ku un kurpa, ounke unu, tin hopi partinan(miembronan), pero tur su hopi partinan ta forma ún kurpa, asina ta ku Kristu.” (1 Korintionan 12:12)



Dios ta Unu, pero kada miembro di e Divinidad tin Su propio funkshon. Di e mesun manera, e iglesia ta unu, pero kada komponente di esaki tin su propio funkshon komo parti di e kurpa di Kristu riba Tera (1 Kor. 12:12-13). Pablo ta huza e analogia di e kurpa humano manera e iglesia pa duna énfasis na unidat den diversidat. E wowo tin e “ don ” di bista, pero e orea no tin e. Sinembargo, e dosnan ta komplimentá un na otro dor di traha huntu. Similarmente, den e iglesia, kada persona ta kumpli ku nan trabou segun e donnan ku nan a risibí (1 Korintionan 12:28-30).



Esaki ta impliká(indiká) ku kada un ta nesesario; ku ningun ta mas grandi ku un otro; ku kada un mester preokupá pa e bienestar di otronan; i ku kada un mester traha pa e unidat di e iglesia (1 Kor. 12:15-27).



E ELEMENTO KU TA UNI



E EKSELENSIA DI AMOR

"Awor anhelá ansiosamente e donnan di mas grandi(mihó). I ainda lo mi mustra boso e kaminda di mas ekselente." (1 Korintionan 12:31)

Amor no ta un don, pero " e kaminda di mas ekselente " (1 Korintionan 12:31). E ta un fruta di e Spiritu Santu den e bida di e kreyente (Galationan 5:22). Donnan spiritual solamente por wòrdu huzá debidamente dor di amor.

E don di lenga, sin amor, ta " un gong ku ta zona òf un sambal ku ta resoná. " E don di profesia, e don di konosementu, i e don di fe, sin amor, ta nada. E don di generosidat i e don di martirio, sin amor, ta sin balor (1 Kor. 13:1-3).

1 Korintionan 13:4-7 ta proveé un guia sólido pa kondukta apropiado den e práktika di donnan spiritual:

Loke amor ta hasi

E ta pasiente

E ta kariñoso

E ta regosihá den e bèrdat

E ta despensá tur kos

E ta kere tur kos

Tur kos e ta spera

E ta soportá tur kos

Loke amor NO TA HASI

E no ta envidioso

E no ta gusta gaba

E no ta orguyoso

E no ta grosero


E no ta egoísta

E no ta rabia fasilmente

E no ta karga renkor

E no ta regosihá den maldat

DONNAN SPESHAL



E DON DI LENGANAN


“ Pa e motibu(rason) aki esun ku ta papia den un lenga mester hasi orashon pa nan lo por interpretá loke nan bisa.” (1 Korintionan 14:13)

Pablo su énfasis riba e don di lenga i su huzo apropiado ta impliká ku esaki tabata wòrdu hasí mal uzo di dje dor di miembronan di e Iglesia di Korinto, kousando desòrdu i konfushon den adorashon públiko (1 Kor. 14:23).

E don di lenga ta e abilidat pa papia lenganan humano òf angéliko deskonosí na e persona (1 Kor. 13:1). Ora ku e lenga aki ta deskonosí na e skuchadó, esaki tin mester di interpretashon (Echonan 2:8; 1 Kor. 14:2, 13-14, 27-28).

Pablo su deseo ku tur lo mester papia den lenga a wòrdu mal interpretá dor di esnan kende ta pensa ku nos tur mester tin e don ei (1 Kor. 14:5).

Den realidat, e gana aki ta enserá tur e donnan (1 Kor. 14:1). Pablo ya kaba a hasi esaki kla ku “ Awor na kada un e manifestashon di e Spiritu ta wòrdu duná pa e biestar di tur ” (1 Kor. 12:7). Pesei, no ta kada un ta risibí e mesun donnan.



E DON DI PROFESIA

“ Pero esun kende ta profetisá ta papia na hendenan pa nan fortaleza, enkurashamentu i konsuelo ” (1 Korintionan 14:3)

Nos no mester limitá e don di profesia na pronostiká eventonan di futuro. E uzo primario di e don di profesia ta pa edifikashon, eksortashon, i konsolashon (1 Kor. 14:3).

Pablo ta duna énfasis na e don aki ariba otronan (1 Kor. 14:1, 4, 22-25). Pero tambe é ta urgi ku esaki ta wòrdu huzá korektamente asina pa no krea konfushon: “ pero paga tur kos wòrdu hasí desentementu i na òrdu ” (1 Kor. 14:40; mira 1 Kor.

Manera un don karakterístiko di e iglesia remanente, esaki tabatin su manifestashon speshal den e bida i trabou di Ellen G. White (Rev. 12:17; 19:10). Pero kon nos por rekonosé un berdadero profeta?

E futuro eventonan anunsiá — si nan no ta kondishonal — mester sosodé (Deut. 18:22; Jer. 28:8-9; Jonas 4:2)

Su mensahe mester ta di akuerdo ku esun di e profetanan mas tempran (Deut. 13:1-3; Isa. 8:20)

E mester atestiguá na e inkarnashon di Hesus (1 Juan 4:1-3)

Su bida mester ta di akuerdo ku e mensahe bíbliko ku é ta prediká (Mat. 7:15-20)

“ Den tur Señor Su areglonan, no tin nada mas bunita ku Su plan di duna na hòmbèrnan i muhénan un diversidat di donnan. E iglesia ta Su gardin(hòfi), dorná ku un variedat di palunan, matanan, i flornan. E no ta spera e hisòp pa asumí e proposhonnan di e sedro, ni e oleifi pa alkansa e altura di e palma mahestoso. Hopi a risibí solamente un entrenamentu religioso i intelektual, pero Dios tin un trabou pa e klase aki hasi, si nan lo traha den humildat, konfiando den Dje...”

Diferente donnan ta wòrdu kompartí na diferente di nan, asina ku e obreronan lo por sinti nan nesesidat di un na otro. Dios ta regalá(duna) e donnan aki, i nan ta wòrdu utilisá den Su servisio, no pa glorifiká e posedó, no pa eksaltá hende, pero pa eksaltá e mundu su Redentor. Nan mester wòrdu huzá pa e bienestar di tur hende humano, dor di representá e bèrdat, no testifikando na un falsedat.

EGW (Ye Shall Receive Power, July 1)